



Broj: T18 0 KTRZ 0004220 12
Brčko, 30.12.2019. godine
RI/GR

OSNOVNI SUD
BRČKO DISTRIKTA BIH

Na osnovu člana 35 stav (2) tačka z) i člana 226 stav (1) Zakona o krivičnom postupku Brčko distrikta BiH, p o d i ž e m

OPTUŽNICU

Protiv:

SENADA HALKIĆA ... rođen ... 1968.godine u mjestu Podgredina, opština Cazin ...

Što je:

Za vrijeme oružanog sukoba u Bosni i Hercegovini, u toku vojne akcije 108. brigade HVO za Bosansku Posavinu i napada na bukvički plato, na teritoriji predratne opštine Brčko, u mjestu Vujičići, MZ Bukvik, kao komandir izviđačko-diverzantskog voda, postupio suprotno pravilima međunarodnog humanitarnog prava i odredbi člana 3 stav (1) tačka a) Ženevske konvencije o zaštiti građanskih lica za vrijeme rata od 12.08.1949. godine, kojima je propisana zabrana povreda koje se nanose životu i tjelesnom integritetu, naročito ubistva lica koja ne učestvuju neposredno u neprijateljstvima, kada je dana 14.09.1992. godine u toku napada njegovog voda na selo Vujičiće, u poslepodnevnim časovima, sa više pripadnika izviđačko-diverzantskog voda došao do kuće V.V., koga su zatekli u dvorištu kuće i zajedno sa ostalim vojnicima fizički ga zlostavljao, udarajući ga po glavi i tijelu pesnicama, nogama i kundacima od pušaka, usled čega je V. trpio velike patnje i povrede tjelesnog integriteta, a zatim mu je prišao prijeteći da će ga zaklati i da je već zaklao jednog četnika, pokazujući mu krvavi nož i ruksak u kome je navodno bila odsječena glava vojnika, a kada ga je V. izbezumljen molio da ga zakolje, odgovorio je da ne može tako, da će mu prvo izvaditi jedno pa drugo oko, nos i odsjeći uši, nakon čega mu je Halkić stavio lisice na ruke i naredeno mu je da otključa garažu iz koje su vojnici oduzeli auto „Jugo 55“, godina proizvodnje 1991, dok su iz kuće oduzeli novac, oružje, zlato i druge vrijednosti, nakon čega su kuću zapalili, a zatim su se pripadnici voda rasporedili u strjeljačku liniju, a Halkić je V. poveo putem prema kućama R. i L.V. i naredio V. da doziva mještane i da im govori da izađu, da se predaju i da im se ništa neće dogoditi, što je V. i učinio, da bi se na njegovo pozivanje odazvali i prema njemu krenuli V. Đ. i njegovi maloljetni sinovi S.Đ. i N.Đ., svi obučeni u civilno odijelo i nenaoružani, a Halkić, kada je primjetio V. Đ., rafalnom paljbom iz automatskog naoružanja lišio je života V. Đ., a zatim su i drugi pripadnici voda počeli pucati, nakon čega je i S.Đ. lišen života, dok je N. Đ. uspio pobjeći, a potom je Halkić prišao do tijela V.Đ. u namjeri da ga liši života ukoliko je živ, a kada se uvjerio da je ipak mrtav, oduzeo mu je pištolj marke „CZ“ kalibar 7,62 mm, koji je V. držao za pojasom i za koji je imao uredno odobrenje za držanje oružja broj 372/86,

dakle, kršeći pravila međunarodnog prava za vrijeme oružanog sukoba nanosio povrede tjelesnog integriteta, te izvršio ubistvo civila,

čime je:

učinio krivično djelo - Ratni zločin protiv civilnog stanovništva - iz člana 142 Krivičnog zakona SFRJ Krivičnog zakona SFRJ.

...

Preduzimanje radnji krivičnog gonjenja prema određenoj osobi ne znači da je ta osoba zaista i odgovorna za počinjenje krivičnog djela. Prema principu presumpcije nevinosti, svako se smatra nevinim za krivično djelo dok se pravosnažnom presudom ne utvrdi njegova krivica
